

省志輯·陝西

中國地方志集成

民國續修陝西通志稿(五)

中國地方志集成

省志輯·陝西 ⑨

民國續修陝西通志稿(五)

鳳凰出版社●上海書店●巴蜀書社

圖書在版編目(CIP)數據

中國地方志集成. 省志輯. 陝西 / 鳳凰出版社編
— 南京 : 鳳凰出版社, 2011.3
ISBN 978-7-5506-0275-5

I. ①中… II. ①鳳… III. ①中國—地方志②陝西省—地方志 IV. ①K29

中國版本圖書館CIP數據核字(2011)第036129號

中國地方志集成·省志輯·陝西

著 作 者 本社 編選
責任編輯 王 劍 薛 飛
封面設計 范一辛

出版發行 鳳凰出版傳媒集團
鳳凰出版社(原江蘇古籍出版社)
南京市中央路 165 號 郵編 210009
發行部電話 025—83223462
集團網址 鳳凰出版傳媒網 <http://www.ppm.cn>

印 刷 金壇市古籍印刷廠有限公司
江蘇省金壇市晨風路 186 號 郵編 213200
開 本 787×1092 毫米 1/16
印 張 413.5
版 次 2011 年 3 月第 1 版 2011 年 3 月第 1 次印刷
標準書號 ISBN 978-7-5506-0275-5
定 價 4200.00 圓 (全九冊)

(本書凡印裝錯誤可向承印廠調換,電話:0519—82338389)

民國續修陝西通志稿(五)



楊虎城
邵力子
宋伯魯
吳廷錫

纂修

目錄

第一冊

雍正陝西通志(一)

第二冊

雍正陝西通志(二)

第三冊

雍正陝西通志(三)

第四冊

雍正陝西通志(四)

第五冊

民國續修陝西通志稿(一)

第六冊

民國續修陝西通志稿(二)

第七冊

民國續修陝西通志稿(三)

第八冊

民國續修陝西通志稿(四)

第九冊

民國續修陝西通志稿(五)

續修陝西通志稿卷一百八十七

藝文五

省府廳州縣志書一

陝西全省通志三十二卷清康熙間陝西巡撫曲沃賈漢復等修
秦省通志聘取八府及各處名流纂修五載方始告竣今同閩
司張夢椒咸寧令黃家鼎長安令梁禹甸公議將志版收儲尊
經閣著西安府儒學教授經管上交代印信簿籍如有損失責
在經管教官列入志內永垂不朽至於關中書院坐落咸寧地
方今既重修其間公堂正舍以爲作養士子講學課業之所儀
門外左右房屋許本省士大夫往來停驂地方官不得借爲公
館一切遊客不得擅自居停衙役市棍不得混入騷擾作踐房
舍如有不遵前約執此赴督撫兩臺稟究決不輕貸誠恐日久

續陝西通志稿

卷一百八十七

藝文五

一

廢弛議令咸寧縣并三學教官經管諸人不得爭論俱應入志
永垂不磨康熙七年三月十五日巡撫賈親筆

附約

按是志創於明成化乙未其後嘉靖辛丑萬曆辛亥兩修之順
治戊戌曲沃賈公撫豫曾修豫志及壬寅撫秦以前志雖有稿
本而未成書遍檄八郡哀衆掌故招集英彥芟繁就簡黜陋存
雅而後授梓殆踵豫志之體例而更稱美備者也

西安府志八十卷清乾隆間知府任邱舒其紳修

按府志舊有王紹徽撰本以其闕黨故其書不存乾隆丙申中
丞畢沅入覲特奏重修西安府志上諭所請旌節旋轅諭首郡
太守田錫莘排纂江寧嚴侍讀長明武進莊州倅忻佐之未幾
田守捐館舒其紳蒞任因侍讀長編早竟囑其甄綜史例編次
卷帙爲門一十有五首天章次地理次名山大川次建置次

食貨次學校次職官次人物次選舉次大事次古蹟次藝文次
金石次拾遺分類五十有一統計成書八十卷經始於乾隆丙
申秋仲告成於己亥冬初後先四載畢中丞序稱文既簡要事
復賅綜具程大昌之博議而謝其繁蕪擅何景明之雅材而加
以典實蓋待讀讀書破萬卷故能衷百論以貫三長也

長安縣志三十六卷清嘉慶間知縣桐城張聰賢修

按長安志防於明萬歷四十三年知縣李華然時工部尙書馮
從吾以御史家居爲撰定刊行遭李自成亂散失清康熙初知
縣梁禹甸求得舊本更加附益都爲八卷一地理二建置三貢
賦四官師五選舉六封建七人物八雜記至嘉慶十六年知縣
張聰賢延陽湖董曾臣重修凡三十編圖四表四志二十傳十
都三十六卷大要叙疆理而省名勝錄政典而芟稗野昏明早

續陝西通志稿

卷一百八十七

藝文五

二

晚標農事之準而星土不書城郭宮室述規畫之方而景物從
節詞賦小技則退題詠而進經籍二氏曲學則畧釋老而詳藝
術所有逸事異聞語怪無徵皆所不取蓋體沿史法不盡倣圖
經也

咸寧縣志八卷清康熙間知縣額上黃家鼎修

按咸寧舊無志至明萬歷時北海陳公始修之康熙七年都御
史賈公有修志之檄家鼎多方搜集獲陳志二卷補續成草以
備通志採摭及竣遺落又半更爲編纂是書始星輿訖藝文爲
卷凡八自分野至志銘爲目九十有九質以殘本參以經傳證
以詩史續以繼起更以跋涉訪以故老存其是者刈其非者辨
其似是而非似非而是者掇之灰燼之餘歷以寒暑之久家鼎
自序有云以不敢誣古之心不敢自誣即以不敢自誣之心並

不敢誣後人以云簡則簡矣以云能括則未也以云未詳則有之以云未真庶幾免矣况善善長而惡惡短尤夙志哉

咸寧縣志二十六卷清嘉慶間知縣靜海高廷法江寧沈琮修

按咸寧志依史圖表志傳例圖二首疆域山川經緯道里城郭坊社次歷代疆域水道城郭宮室名勝表三首紀事沿革次職官次選舉志八首地理次田賦次祠祀次衙署次學校次陵墓次經籍次金石傳十首良吏次列傳次忠節次孝友次義行次儒學次文藝次隱逸次方技次列女圖以開方經緯為主自城社山谷歷代疆域古渠舊城悉具於圖圖系以考與志相表裏惟地平經緯恆以二百里差一度咸寧境之錯入他縣中者至三百餘里之遠晨昏晝夜皆有積差遵西域圖志載晷度例作縣境經緯圖而刪星野山原脉絡水道原委地理志綜其大綱續陝西通志稿卷一百八十七藝文五

續陝西通志稿

卷一百八十七

藝文五

三

仍於各社圖後分註始末南山溪谷錯雜道里紆迴則依山脉自西而東繪爲長圖其磨溝龍王廟溝錯入鎮安藍田者別附於後考據古蹟必實指其地某村不依方志僅云在縣某方或言某方幾里隋唐京城制度悉本宋敏求長安志三內禁苑悉本元李好文長安圖至宮殿方位間有舛訛諸坊錯漏則以六典唐書及百家傳說互爲攷證具之於圖仍錄原文於考中唐城今城合繪一圖以朱墨別之宋金元城與今城大同小異分爲圖考明城則除駐防外悉與今同不更圖城南古蹟最多據宋張茂中記爲圖趙嗣與張記相表裏亦並錄之紀年不純用甲子科目必書某年遵史例也戶口舊附田賦自康熙恩詔後續生人丁作爲盛世滋生冊永不加賦而戶口與田賦分而爲二保甲之法以地統人至爲核實則以嘉慶二十一年保甲冊

爲準附入地理志而田賦志內惟載舊時丁額亦遵史例也藝文無裨世道雖美勿彰則依宋羅願新安志例附藝文於各條不另立名目惟有關典章制度及風俗人心者得載經籍志內傳首良吏爲官斯土者勸先賢先達以列傳統之其忠節等仍如史例分傳數世同居者列孝友傳其親見七代五代者類及焉邑人未論定者不入傳惟節婦例得旌表者或專傳或合傳以時代爲次耆民葆性養真附之隱逸壽婦入列女傳此發凡起例之大要其編輯則武進陸耀遒陽湖董祐誠也

咸陽縣志二十二卷清乾隆間知縣臧應桐修

按咸陽志創自明宏治七年邑令趙璉爲書十卷分八綱清順治九年江令山秀重修之中歷肅令如蕙黃令中璜至康熙四十二年張令枚先後接踵釐爲四綱四卷體製似覺謹嚴然實多率漏乾隆十六年東海臧令蒞任延集邑紳分門採訪同心訂較閱春夏十旬之功繪圖七提綱十八列目九十有七分卷二十二張方伯若虛爲之序

續陝西通志稿

卷一百八十七

藝文五

四

興平縣志八卷清雍正間知縣桐城胡蛟齡撰

按興平志明嘉靖中蜀章斗陽先生所編清順治十六年知縣禾水徐開熙重修之但沿訛實多如第一卷沿革條內刺城係晉泰始中所置而刊作薊城魏州係唐武德初所置而刊作魏州黃初係魏文帝而刊作英初大足係唐武后年號而刊作大定又八政以食爲首養而後教宜有次第徐志八卷禮制第三食貨居七官師居四藝文以唐千福寺碑爲首而司馬相如董仲舒諸作反在其後皆體例之可議者蛟齡雍正十年與邑人劉大年程宣揚如龍商權以舊志爲經分門別類次第連綴兩

閱月告成建置後即次田賦移官師於第五在田賦禮制後藝文以時代爲先後謂孔廟爲文治之源興作豈可無紀浮陽魏公武功張公二碑記立在學宮典則詳贍特用冠首以崇教化次釋門神廟次古今忠孝名人次山川勝跡時事卷帙頗多釐爲上下則仍舊志例焉

興平縣志二十五卷清知縣元和顧聲雷撰

今興平之地爲西漢置縣之始者曰槐里縣孝武帝又於槐里之茂鄉起陵置縣曰茂陵縣孝昭帝亦起陵於槐里曰平陵置平陵縣或謂在今之咸陽然據杜佑通典曰廢邱漢高帝改名槐里武帝割置茂陵縣有武帝茂陵昭帝又割其地置平陵縣有昭帝平陵此說顯然可據魏文帝改平陵縣爲始平縣唐改始平縣爲興平縣今沿其名置縣既多鄉賢燦著又漢時每徙

續陝西通志稿卷一百八十七 藝文五

五一

他郡豪傑貨財大戶以實其地故茂陵平陵二縣僑寓之人亦最衆多詳采正史臚列可觀並匪出於假借附會舊志最先之本不傳今所傳惟乾隆元年所纂本閱今四十餘年一切建置多有不同官師科名亦有未詳余故令重爲采輯成書二十五卷較舊志殊稱美備焉

序

興平士女續志三卷清光緒間知縣伏羌王權撰

同治之元訖於丁卯口回迭寇邑境義士健兒持白梃角劇寇至剖胸決腹不反顧儒冠抗節巾幗死烈者尤衆朝廷頻詔訪求大府設局彙報甲戌秋杪權捧檄承乏越明年延舉人張炯等分途採訪先後報局彙詳奏請得旨旌卹者男女共二千三百六十一人建坊入祠以次舉行事竣採訪羣士相聚謀曰州縣之志所以備故實示勸懲也然大文地理賦役職官第資考

證前志具備可無多贅惟人物一門風化所繫數十年不續即有散佚放失之懼邑豐遭兵燹士女效忠赴義磊磊多奇蹟不及今編輯成書大節盛美久將日就淪沒可若何以編纂推權念發潛翊教長令職也義不可卻乃以公暇整齊纂述列男女死事者於前而次卓行可傳者於後凡爲忠節傳一孝義傳一文學傳一列女傳上下各一編爲三卷題曰興平縣士女續志附邑志後嗟呼節義非以求名也而造物者必以名報之然其得傳與否若又有數存焉明季流寇之亂蔓延十餘載邑志僅載三烈婦罵賊死者二赴井者一今此書列傳紀死節之士百七十九人女八十一人其無事實附見姓名者又數百人何今昔之懸殊哉吾以知前世之殉節而失傳者衆也豈非長民者之責耶然陵谷遷轉父老彫零語焉不詳聞焉罕證即此書

續陝西通志稿卷一百八十七 藝文五

六一

所遺漏尙不知凡幾也悲夫

序

鄂縣新志六卷清乾隆間武功孫景烈編

序目云志法首地理次建置古今作者大較然矣地之山川形勝天作也而疆域古蹟亦茲地已具者述地理第一城郭學校官廨神祠均地理中建置事述建置第二諸建置爲民也民以田爲生有田則有賦故田賦編次第三教養斯民者官師也故官師編次第四官師能移風易俗故第五曰風俗風俗成而人物興故第六曰人物人物多以選舉顯故編次選舉第七懼其疏也以雜記終焉凡八篇而斯邑之志其庶幾足徵矣乎

序

按新城王阮亭云近世郡縣志無逾秦者以其文簡事數猶有黃圖決錄之遺而於康對山武功志外即推王漢陂鄂志洵鉅識也但自萬歷丙申漢州王九皋蒞任繼王太史修志以詳爲

貴而太史原志板遂失傳矣莒州劉璞知縣事又著鄒志凡爲卷十一爲目四十有四大要增於王太史者十之五而損於王令尹者十之六中南敦物山人趙曰睿云劉續可嗣響漢陂乾隆甲午江寧汪以誠游鄒以漢陂創志後續修者毀其原刻屢續而屢失其法以爲鄒志宜作而不可再續次年聘武功孫西峰太史主講明道書院兼任修志西峰年逾古稀自丙申春二月操觚至冬十有一月脫稿辭講席歸仍挾志稿重經筆削漸次寄鄒且囑就正秋帆畢中丞而後付梓志凡八篇其文簡以刪其事覈以括其法之有倫如一篇爲觀序目亦思過半顧其義例又各詳見諸篇中非澈始終觀之恐未易知其精蘊也

藍田縣志十六卷清光緒間知縣陽湖呂懋勳修

按藍田志雍正八年縣令李元昇纂修嘉慶元年馬令學賜續

續陝西通志稿卷一百八十七

藝文五

七

修道光十九年胡令元煥又修之至光緒元年呂令懋勳增修之卷帙次第條例後先一仍其故惟以瀕涯各源舊說輻輳邑主事袁廷俊生長鄉邦諳練故實身任總修乃徒步裹糧褰裳披莽由委窮源而正之昔人云百聞不如一見尤足信今傳後補前志之未詳至天文刪填星掩鉞熒惑入東井二事特作地平高弧表以明授時之準地理仿圖經例以圖冠首圖後有注縣境全圖二十里山脈道里皆用開方惟水勢曲折非開方所能盡故川脈不用開方沿革紀事年經月緯合爲一表古蹟風土統諸土地志金石前志所無不憚搜羅以補其闕洵可謂爾雅於古潤澤於今者矣

臨潼縣志六卷清乾隆間知縣山右史傳遠修

按臨潼志宋元以前作者俱不傳明有司訓樊珍志邑尙書武

之望志清初有邑庠生高鸞翔志舉人米調鼎志然皆散失無攷惟知縣趙于京號香陂山東歷城舉人名宦傳稱其纂修邑志詳畧得宜其志序云承乏於茲載書數篋自隨蒞事三載凡所披覽有關於潼者輒標記加白帖日積既多康熙辛巳夏五月農忙官閒手草星野建置山川古蹟諸門劉考功魯如見而欣賞而張子潛谷申子若山張秀才宏璧復採訪參酌又康子太乙適自鄒杜間來留與共訂成十志共八卷乾隆四十一年武鄉史伯猶履任以趙志惟華清記最爲詳密其他未免稍畧如縣治沿革名雖具列而源流分合及實在各處所皆未分條指晰讀者茫然乃延崑山徐德諒平湖楊應棟兩名流並邑知名士相與遠稽博訪上自正史旁及諸記下逮舊聞凡有關志事者無問鴻纖俾各收錄規模悉遵趙舊惟即其所未載及載而弗詳者依類尋討端委必盡耳

續陝西通志稿卷一百八十七

藝文五

八

臨潼縣續志四卷清光緒間邑人楊彥修及旌德譚慶修

按續志以縣治沿革山川故蹟前志已備無庸復敘惟同治建元兵燹頻仍鄉人士忠節義烈幽晦未彰搜輯必周堡寨倉儲學校前所畧者必令精核纖細可稽至測繪畧度及太陽距地度數日景長短亦較他志爲詳洵志地之善者也

渭南縣志八卷清雍正間知縣鹽亭岳冠華修

按渭南志始於嘉靖辛丑圖二表四考五傳七凡一十八卷邑人知府南元善纂萬歷庚寅參議南軒續之爲目一十有二天啟辛酉尙書南師仲續之皆南氏子姪纂父祖之書也清順治丙申知縣尙九邊陸贊奇先後聘人邑通判朱可衿舉人劉懿宗增修雍正八年詔天下纂修通志冠華公餘加意采訪廣爲

搜羅合前志共八卷綱十有二目九十有七其中疆域戶口風俗物產俱本舊志而增益之至人物傳中分類編次另爲標題其名宦鄉賢貞女節婦新列祠祭者詳著於編書成上諸志館監司沈青崖贊善錢陳羣悉爲之序

渭南縣志十八卷清道光間知縣靈石何耿繩修

按乾隆四十二年知縣江甯汪以誠曾纂渭南志成若干卷畢中丞沅序之稱其甄錄繁多文成簡要於古不背於今實詳仿之明南志清岳志纂駁乎軼而上之道光九年耿繩以喀什噶爾既平張格爾就擒干戈既定通桐城姚姬傳子舉人庚甫景衡至因延司纂訂以江甯庠生于印川春江副之半載竣事爲圖十有二表六考十有二傳九共十八卷沿革表暨考傳成諸姚圖及職官諸表成諸于者也其自序有云南山多寄寓之續陝西通志稿卷一百八十七 藝文五 九一

渭南縣續志十二卷清光緒間邑人焦聯甲修

聯甲同治甲子順天鄉試舉人以咸同間各匪煽亂蹂躪殆遍忠臣義士貞烈婦女羅鋒刃填溝壑者難更僕數而祠祀田賦戶口官師人物以及政事文章莫不佚亡殆盡乃邀同邑主事賀壽齡等採訪編輯漸次脫稿復載以渡河質之予告大學士朝邑閭公荷蒙筆削而渭志告成知縣嚴書麟叙其緣起爲綱十有二首與圖次與地次建置次祠祀次食貨次官師次選舉

次人物次節烈次藝文次雜志次修志源流目凡百條依類增輯並取與國館所繪渭河出入縣境圖說附錄以補地志所未盡閩相國又爲之叙時光緒十七年也

盤屋縣志十四卷清乾隆間知縣新城楊儀修

按盤屋志創自明嘉靖邑人王三聘以土地人民政事爲綱目則一十有五號兩曲志至清康熙雍正間知縣賂鍾麟章泰董需相繼續修乾隆己巳泊陽鄭儒蒞任將一切邑事見諸卷帙者悉爲收羅補入共分前後十五卷乾隆五十年儀以卷中百年來蕪詞賸蹟踈熟日甚又去鄭令時已三十年其間水利之通塞物產之登耗賦役之去存以及職官選舉人物類須增益別僞存真因創兼有漸臻美備矣

醴泉縣志十四卷清乾隆間知縣陽湖蔣鼎昌修

續陝西通志稿卷一百八十七 藝文五 一十一

按醴志自明萬曆己亥訓導嘉祥夾璋編輯輯至崇禎戊寅邑人苟侍御好善本此修志清康熙三十八年知縣錢塘裘陳佩修之乾隆十七年知縣泰州宮耀亮又修之癸卯鼎昌蒞任延陽湖孫星衍共撰之卷一縣屬鄉屬卷二山屬水屬水利卷三陵墓卷四廟屬卷五官屬表卷六戶口賦稅卷七學校兵卷八閭人卷九列女卷十科貢等表卷十一金石卷十二舊聞卷十三藝文卷十四序錄圖八章畢中丞沅序云一方之志始於越絕後有常璩華陽國志越絕先紀山川城郭冢墓次以紀傳華陽國志則有郡縣廢置李吉甫元和郡縣志樂史太平寰宇記體例最善吉甫則不引古書樂史全用舊說尤廣異聞而有土產人物其後善者則宋敏求長安志羅願新安志等關中地大物博宜有善志而世所傳康海武功志韓邦靖朝邑志皆以意排

纂漫無體例由明世書傳少出學士大夫爭以空言相尙不重舊聞無足怪焉醴泉漢爲谷口後漢至晉則入池陽池陽又兼今涇陽地舊之作志疆域不分則故實難刪又昭陵陪葬凡百其人文獻通考及昭陵圖長安志等傳寫名字尙有烏焉何況俗志古時金石凡有百通存者不下數十好古之士不由親歷考訂亦難于是縣之士民懼舊典之佚墜喜新政之可記請修志乘以示將來蔣令騏昌申上其事予嘉而許之古之大夫誦詩授政是以登高能賦遇物能名觀今志所採有唐會要新舊唐書十七史地志李吉甫杜佑樂史等志前之作者皆未之及也若昭陵在縣境予向請帑修葺又飭常加築護具有石碣建立碑亭近又東西豎碑紀列所存名位及志家墓丈尺將使後人守而勿壞惡可以不志

續陝西通志稿 卷一百八十七 藝文五

一一一

三原縣新志八卷清光緒間邑人賀瑞麟修

按原志凡四修舊志有明成化時昆陵朱昱本康熙四十三年知縣山陰李瀛修之乾隆三十年知縣豐山張象魏修之四十年邑人劉紹攸又修之光緒戊寅知縣焦雲龍蒞任聞賀復齋恪守程朱力崇正學親造清麓精舍敦請纂修復延邑士紳詳加採訪各富紳亦樂出資助梓其書雖本舊志別爲義例分見各卷一地理二建設三田賦四祠祀五官師六人物七選舉八雜記凡八篇焦令爲之序曰詳畧取舍皆非苟然其大者創寺觀屏異端也著典禮崇正道也黜八景斥附會也去雜文尙謹嚴也凡有論述無非關於世教人心學術治理之大而一裁以儒先之旨至載例監列封贈則又不得已之苦心爲之變通所以嚴其事而爲之勸矣

涇陽縣志三十卷清道光固始蔣湘南修

按涇陽志創於明成化中邑人御史李錦爲書十二卷嘉靖時知縣連應魁續修萬曆戊寅知縣傅好禮延邑人魏恭襄公學曾作新志其書皆不傳清康熙庚戌知縣王際有雍正壬戌知縣屠楷乾隆丁卯知縣唐秉剛皆踵修之丙戌知縣葛辰又取王唐二志合爲一編道光辛丑知縣胡元煥聘將湘南參考同異改弦更張凡得書三十卷分爲六體曰圖曰譜曰考曰畧曰傳而冠之以二紀曰聖製紀曰恩澤紀圖之目二十有三曰地平經緯圖曰縣境圖曰漢池陽縣圖曰後池陽縣圖曰唐涇陽縣圖曰縣城圖曰衙署圖曰學宮圖曰瀛洲書院圖曰龍洞渠圖曰冶渠圖曰清渠圖曰水經注水道圖曰長安志水道圖曰八鄉總圖曰宜善鄉圖曰廣吉鄉圖曰臨涇鄉圖曰甘延鄉圖

續陝西通志稿 卷一百八十七 藝文五

一一二

曰清流鄉圖曰金圭鄉圖曰瑞安鄉圖譜之目有二曰職官譜曰選舉譜考之目有五曰沿革考曰大事考曰山川考曰古蹟考曰水利考畧之目有五曰食貨畧曰禮制畧曰兵防畧曰經籍畧曰金石畧而終以十二傳曰名宦傳曰耆舊傳曰孝友傳曰忠義傳曰義行傳曰遺才傳曰列女傳曰方伎傳曰寓賢傳又引申凡例條宣見聞取屠葛二志所載舊序錄而存之更爲敘傳一篇

涇陽縣新志十六卷清宣統初邑人周斯億等延醴泉宋侍御伯

魯修

按周志序畧稱涇陽志自明成化間邑人李侍御至清道光辛丑邑令胡公延蔣湘南主筆編訂前後凡經八易同治壬戌花門變後屢議修輯未果至宣統庚戌官紳合力始得克觀厥成

云宋序云歲辛亥滇南同年劉子咨嗜治涇陽將謀重修邑乘以同年周子陟生任編輯賈子彝伯佐之復以余之曾爲史官也延主筆削之事辭不獲遂應之志自有明以來凡數易乾隆後皆闕如茲復更訂體例廣乾隆朝所不及乃大蒐聚開局於前味經書院迨余至商榷終始既得端倪乃歸涇陽距醴泉僅一日程局使往還齋稿本率五日一週余爲一丹黃其間往往宵分燭見跋不能已自二月迄八月全書猶定將付剞劂九月二日復迨余至局渡河聞變至則城門已閉呼而入則咨嗜方登陴誓衆陟生彝伯則經畫民兵止一夕而返自是遂大亂咨嗜告歸余亦往參軍事而陟生挾其書逃於荒野不復通音問矣今春被徵來京師陟生自析津以書抵余始知陟生踪跡既復顧余於逆旅述亂離潛焉出涕開藁則鉛印邑志哀然成帙

續陝西通志稿

卷一百八十七

藝文五

一三一

陟生告余曰此書規模畧具獨例言一篇不存蓋倉皇時佚之瀕行僦僦以弁言相屬余惟邑乘之作凡以著風土表人物而軍事一端獨涇志較他邑爲詳蓋涇陽當同治紀元被兵禍殊慘屋廬薪木今猶蕭然今城郭雖完然比歲供億軍實或被亂兵剽掠蕩析殘破殆與同治時無異而陟生藏書亦盡燬噫何涇陽之不幸也然陟生獨挾其志稿間關跋涉卒底有成不使邑中文獻自我而墜陟生之志益苦而其功亦偉矣哉甲寅三月

富平縣志稿十卷清光緒間旌德譚慶編

按富平志創於明萬曆十二年孫恭介不揚成於清乾隆五年知縣喬履信續修於乾隆四十年知縣吳六鰲孫志圖攷傳志凡十條喬志取立山太保暨韓斗山未刻稿本增訂竄易分爲

十四志目較稱詳確吳志距喬較近踵事增華紀載亦備光緒十一年恩施樊增祥來宰斯邑甫下車即以縣志爲己任延旌德譚西屏主其事方條舉綱目而增祥調長安繼任者爲長山焦雲龍滇南劉錕仍屬譚君竟其事爲書十卷首宸翰次地理次建置次風土次藝文次金石次經政次人物次節孝次故事目凡五十表六一沿革二科目三選舉四仕宦五職官六故事表之目二十有五大要以前三志地理疆域雖有圖說而道里遠近未詳茲準鄭漁仲地理圖經開方經緯俾幅輿廣袤覽者瞭如蓋郡縣志首重地理故地志多稱圖經一稱圖志皆裴秀作禹貢圖創分率準望法深得古意胡渭禹貢錐指顧祖禹方輿紀要其爲圖併計里開方胡氏於虛空鳥道之說尤獨得心解茲畫方計里繪總圖一四鄉各一其歷代沿革離析分合之

續陝西通志稿

卷一百八十七

藝文五

一四一

由則爲表以明之志紀星野相沿已久約著崖畧附入地理中仍照熱河志例創立晷度之目晷以測景度以測極景有長短極有高低凡縣境日出日入早晚及節氣時刻分秒皆按星度表而出之較古法加密焉至所增百年文物凶荒災劫時異事殊貞烈節孝奇士偉人則就採訪諸冊詳加檢校俾公是公非不致罔於己見而貞魂毅魄亦當靡所怨尤既不失於刻苛亦不流於冒濫誠足備採風者之考察已

高陵縣續志八卷清光緒間邑人編修白遇道修

按高陵志肇自明嘉靖辛丑呂仲木先生後三十年先生仲子幼開續輯之清雍正十年邑人樊景顏復重加編纂光緒己卯白悟齋太史家居詳釋呂志文簡事核訓詞爾雅誠如王阮亭所評樊志搜討亦勤而闕漏殊多且合呂志爲一書不見廬山

面目因更輯爲續志體例一本呂志惟不述歷數官職考二篇增綴錄一篇爲目十爲篇十二爲卷八首地理次建置次祠廟次田賦次禮儀次官師次人物次科貢次宅墓終之以綴錄三原賀瑞麟并其首曰志凡以爲民也地理詳水利所以達民情建置謹修舉所以恤民力祠廟絀異端所以正民心戶租嚴經界所以憫民窮禮儀明典制所以易民俗官師人物科貢宅墓紀善政闡潛德著節烈徵才藝表流風餘韻所以示民則興民行而綴錄一篇則又昭炯戒資考覈亦無非教民事而通民志悟齋雖自謂不敢與涇野比然其心固與涇野無異也涇野遺書具存涇官風徽皆本於生平甘貧改過之旨求仁取善之心悟齋還朝益以涇野爲師使人謂高陵今日復有續涇野其人者志特一端而已

續陝西通志稿 卷一百八十七 藝文五

一五一

耀州續志十一卷清乾隆間知州旌德汪瀨修

按耀州志明宏治時州人張連纂爲書七卷顧於屬內富平同官二縣尙闕嘉靖丁巳喬世寧攷正增益彙爲九篇曰地理曰建置曰祠祀曰田賦曰官師曰人物曰選舉曰紀事曰藝文凡十有一卷於是郡邑掌故悉章明備矣乾隆二十七年汪牧訪得明季孝廉左重光清初明經宋金柱各有纂續未成之書與同寅紳耆共相採訪延海寧鍾研齋爲之綜覈反覆考辨詮次成書視喬志卷帙稍減而類則仍之光緒時州牧顧曾煊本之以爲華原風土詞云

同官縣志十卷清乾隆間知縣崇仁袁文觀修

按同官志始於明嘉靖時之楊曹州而楊懷來再刪削之但多從耀志竄入語焉不詳萬曆四十六年知縣大梁劉澤遠請邑

紳寇慎纂修凡十卷其目五十有四其言三萬有奇崇禎十三年知縣孔尚標以寇氛簡板半付煨燼又增補之清乾隆三十年文觀以舊志磨滅搜討援據綴闕釐釐復遍歷川巖博採碑蹟期於纖蹟不遺爲卷十爲目六十有五其言七萬四千四百有奇首與地次建置次田賦次風土次學校次官師次選舉次人物次藝文次雜記卷數雖依舊志而體例稍別如古蹟附於輿地建置先鄉里而後祠祀亦古聖王先成民而後致力於神之意橋梁市集關險附於建置風土另提一綱分以七目巨細畢錄學校網下備載先賢先儒位次及祭器樂器等官師姓名逸軼据邑人王之滿錄藏之本自明季以後詳核無遺且志美不志惡尤得君子居是邦之義督學鍾蘭枝稱其整贍良有以也

續陝西通志稿 卷一百八十七 藝文五

一六一

孝義廳志十二卷清光緒間同知藥州常毓坤修

按孝義廳治即古舊縣關自乾隆四十八年由咸寧鎮安藍田分撥地土設立同知向無志乘又經同治兵燹卷案焚燬無從攷稽毓坤到任開局延紳分境採訪編輯仍任鄉紳凡總綱十二細目八十有六分爲十二卷訂爲四冊

甯陝廳志四卷清道光間同知平林饒一銘修

按甯陝舊未設廳乾隆四十八年撥長安石泉鎮安洋縣各山境始設五郎廳嘉慶五年改甯陝廳十一年遭兵燹一切建置事宜冊籍無一存者地處萬山中民居零散不相連續且多川楚各省輻輳之衆詢以古蹟舊事少有能談之者間有一二指點荒碑古蹟皆道遠山高又無文獻可徵一銘蒞任屬各鄉紳士採擇古今事蹟從事編輯一輿地二建置三人物四藝文子

目五十有八榆林楊輝春時主講太乙書院爲之敘云

同州府志三十四卷附文徵錄三卷清道光間固始蔣湘南修

按同州府設始於雍正十三年府志修於乾隆五年至四十六

年又有續增然舊志共六十卷分十六門大概取各州縣志彙

錄之與類書無異職官選舉等臚列人名又類官簿卯冊不足

以垂示典型道光三十年知府漢軍李恩繼崢縣志訪疇滿洲

文廉相繼守斯土延河南蔣子藩先生重修之仿古地理家圖

經之法而緯以史例以聖製皇恩兩紀并諸書首而不列入卷

數志以府爲主制度典章均按十屬之憲綱爲次沿革則由古

逮今山川則後支先幹職官人物等皆循其所生之朝代而書

某州某縣不依今代憲綱蓋通十屬而爲一也定爲圖表志傳

四目各以門類分載圖三卷以今代疆域爲準總圖分圖瞭如

續陝西通志稿

卷一百八十七

藝文五

一七一

指掌又作歷代疆域圖以與紀事沿革表互證於古今形勢可

以了然表八卷遵欽定西域圖志實測北極高度例用欽天監

法測算十屬經緯度分爲府屬高弧表沿革大事援景定建康

志例合爲一表職官選舉有事迹可傳者別爲循吏列傳否則

載名於表此史記漢書舊例也人物太繁州縣志中傳文亦不

勝載擇有關係者次爲列傳餘列爲古今人物表以存其名列

女表亦然爲志十五卷建置田賦祠祀學校兵防風俗物產經

籍八志用漢書例山川志用山海經水經注例古蹟以考證爲

主用鄭漁仲通志馬貴與通考中地理門例鄉鎮陵墓寺觀三

志仍用舊志以其合實字記九域志例也金石志則集古錄金

石考例傳八卷良吏列女二傳多取舊志而益以新採其無實

事可徵者刪之蓋同州志始自明天啟中大荔人馬樸其時州

未升府所領五縣並無附郭雍正時州升府華州台屬亦歸此
府知府張奎詳倡纂府志本馬樸同州志明張光孝華州志而
增以各縣志中書舍人吳泰來又作補遺四卷附張志後其序
跋具錄序傳中述作志之源流明重修之意指改作苦心昭然
若揭矣

同州府續志十六卷清光緒間知府恩施饒應祺修

按前志分圖表志傳應祺稱爲整嚴續志仍其舊例惟以前志

謂同境入井一度十屬廣狹不一分秒仍待剖析因考歷代天

文律歷之學參以監法西法推析十屬入井分秒繪星野圖列

星野表以備觀覽前志以漢馮翊治高陵非同州舊志載馮翊

太守並從刪創應祺謂漢守雖駐高陵而所轄者皆今同屬之

州縣臨晉夏陽徵衙栗邑重泉既爲同屬之縣令即不得以馮

續陝西通志稿

卷一百八十七

藝文五

一八一

翊太守爲非同州之太守因復補載又倣章學誠永清縣志例

於正志外文徵錄後增事錄亦循前志之例而稍變通耳

大荔縣志二十六卷清乾隆間知縣賀雲鴻修

按明天啟十四年邑人馬樸始撰同州志十八卷蓋合一州五

縣而共爲一書類今之府志非一縣志所得援也雍正季年升

同州爲府別以州地設大荔縣附郭山陰沈應俞宰大荔至乾

隆七年纂修縣志凡分卷十有六列目三十有二嗣後知縣賀

雲鴻續修之蓋本馬沈二書而加詳曰天文曰地理曰建置曰

食貨曰學校曰風俗曰祠廟曰冢墓曰職官曰人物曰選舉曰

藝文曰雜記其子目則分四十類於天文有分野地理有沿革

疆域形勢編戶山川水利古蹟於建置有城池公署兵弁舖司

鎮堡津渡市集於食貨有賦稅蠲賑物產於職官有名宦循吏

於人物有帝系賢能忠烈孝友儒文列女義行人瑞方伎雜傳流寓於藝文有文詩經籍碑碣於雜記有紀事紀異紀軼祥校都二十六卷畢中丞沅爲之敘時乾隆五十年也

大荔縣志十六卷清道光間知縣宜黃熊兆麟修

按熊志發凡起例仍本蔣湘南所定爲圖十三表四志五傳六別編足徵錄四卷附於正志之後道光三十年四月開局七月告成爲書十六卷

大荔縣續志十六卷清光緒間知縣即墨周銘旂修

按續志悉本熊作各門先列補編或補注而續編次之無所改訂其最注意者如土地內分閭境爲四十二保而里甲因之鄉團因之歲值奇荒仿古人都圖賑法計口授糧亦因之皆銘旂試有成效以此增入比熊志尤爲得其鈐鑰義倉既因荒動用

續陝西通志稿

卷一百八十七

藝文五

一九一

此後節次勸辦若干石分儲城鄉各厥詳注土地志義倉下差徭苦中飽久矣銘旂奉文裁革無名等費民困始蘇故於田賦內增敘原委嗣後邊中丞寶泉復加整頓由縣詳請遞減比前又稍變亦分注其下並將差局記及札飭遵定章程附文徵後藉垂久遠至白馬渠寶興費各碑記一則水利攸關一則文風所繫皆補錄之蓋自道光庚戌至光緒己卯歷時雖二十有八年而中遭同治元年之兵燹光緒三年之旱荒再經蕩析文獻不至無徵銘旂急所先務具見一斑矣

朝邑縣志十一卷清乾隆間知縣錢塘金嘉琰修

按朝邑志自明韓參議五泉後續修者五合韓志而六軼其三存其三存者爲韓志邑人王學謨續志清康熙壬辰知縣王兆澈後志韓意取體要每詳其大而畧其細故爲文甚簡續志承

之加備焉至後志八卷綱凡八目五十有五爲最賅乾隆丁酉嘉琰蒞任博採遐搜畧無掛漏徵引考據方衆物分首地形錄次勝蹟縣尹承尉簿史錄次歷代著聞人錄次本朝著聞人錄次孝行忠義并節烈婦錄次城池公署學校增廟修建錄次賦稅錄次科舉錄次綴錄次修志原流錄爲卷十有一未幾嘉琰卒於官舍湘潭朱廷模繼任始付剞劂云

朝邑縣志三卷志例一卷後錄一卷清咸豐初邑人李元春撰

按元春志意仿五泉河汀志人物欲爲勸懲又專倣河汀言邑疾苦自爲私志故不立志館惟延同人兼少俊之公且明者商訂採訪悉心審校蓋深恐涉私意不足對天不足信後也例凡十曰建置曰設官曰秩祀曰田賦曰風化曰兵防曰河防曰人物曰義行曰藝文蓋參史法以爲志法而不盡如舊例乃自爲續陝西通志稿

卷一百八十七

藝文五

二十一

例也

華州續志四卷清康熙間郡人劉遇奇修

按華州志創於明隆慶時張光孝王漁洋所稱關中名志之一也凡二十四卷康熙甲子知州蒲坂馮昌奕蒞任延明經劉遇奇續修之體例一遵前志有補遺有增入凡四卷而於四十一里釋名汛防官尤注意焉蓋華爲關中鉅封左控右阻前據後臨地名左馮翊設節度使刺史昔年以華州統轄雒南後領蒲華二縣具有心聯臂應之勢劉子洞悉形勢且以豐原三峪無事爲樵蘇斧斤之場有事則揭竿屯聚之數躬自探險審勢圖形以爲未雨綢繆計又於各地要害處皆令築堡自州視之星羅棋布山寇竊發號礮一起餘堡響應不須臾而遍四境亦若村樓置鼓遺意劉子建置門併載堡砦說洵留心政治哉

華州再續志十二卷清乾隆間州人史萼修

按再續志十二卷自康熙十二年起至乾隆五十二年止廣搜旁探纖悉畢具知州汪以誠序云依例取義一準先民之舊不復另開生面顏之曰再見非創也亦非修也竊自比於續而不攘人已成之功不毀人極盛之名姑附諸再思之意云爾

華州三續志十二卷清光緒間州人劉域修

按華州志自乾隆五十四年續後至光緒壬午殆近百年兼兵荒後士女以節烈著者甚夥劉遇奇續志增烈義一門云見人品風俗之所由昭王化德業之所由成令貽者歛容起敬則傲弗暇豈非觸發感興乎知州濟寧汪丙煦賑務竣後有續華志之議旋奉檄入廉校士不果南召吳炳南下車聘孝廉劉域纂修仍仿前志體例循名核實分輯成稿復經炳南筆削分爲十

續陝西通志稿

卷一百八十七

藝文五

一二一

二卷名曰三續蓋以前之有創有續有再續也

華陰縣志二十二卷清乾隆間邑人李天秀修

按華陰志創自明雷太史霖續修者趙太守儒迨萬曆間張孝廉毓翰取而刪次之荒畧支離不可爲志矣庶常李天秀每慨百餘年未有繼者釐正補遺另立門類稽古羅今鉅細悉錄歷數十載猶以爲未足其子汝榛續而成之乾隆五十三年畢中丞諭修志乘適桐城張曾埈蒞任延嘉定汪明經照排次付梓繼任開州馬允剛序云星野封域建置陵墓古蹟等皆考據史傳校對無訛而於人物藝文二者載之獨詳獨於田賦一條記載從畧予惟田賦爲民命攸關地方之興廢係焉華邑田少而賦重瀕河之地灘淤不常近山之地石田多蕪至於水田渠道雖多日久湮塞其間有名爲水田而實不得灌溉者有地已灘

淤糧賦猶存者有地本膏腴今爲沙磧者滄桑變遷今昔異情

因致苦樂不均而訟獄興焉連年累歲案牘山積兼之奸民挑釁從中牟利本因苦而興訟及興訟而苦愈甚本爭利以謀生乃因爭而生愈艱情有可憫事誠可憾予將考華邑田賦之利弊而釐正之以動其疏濬而正其疆界果能使田賦均則獄訟息獄訟息則風俗醇而後人物藝文皆可次第興姑即志之所畧者附於末簡云

郃陽縣志四卷清乾隆間武功孫景烈修

按郃陽志明隆慶時知縣葉夢熊創修清順治十年知縣葉子循重修康熙四十年知縣錢萬選與其友王或庵更訂新志書成而衆不以爲然於是擇存精要爲宰莘退食錄刊以問世乾隆三十四年中州席奉乾蒞任聘孫太史西峯秉筆首地理次建置次田賦次官師次人物次選舉終以雜記凡七篇分卷四

續陝西通志稿

卷一百八十七

藝文五

一二二

閱三月而成書邑人張巖序云質文相麗而脉絡貫通七篇直如一篇至其敘事簡明立言醇正皆本諸講學心得者蓋以程朱之理爲史漢之文也

韓城縣志十六卷清乾隆間知縣汝南傅應奎修

按韓城志創於明張士佩康熙中知縣康行儻續修乾隆甲辰應奎重加編纂卷首序文纂修姓氏目錄星野圖地理圖卷一建置古城鎮成鄉里戶丁市集山水橋渡卷二形勢城池廨署兵防驛傳學校公所祠祀古蹟物產風俗家墓卷三田賦倉儲卷四文官表循吏傳卷五科舉表卷六賢良廉能文學武畧卷七孝友義行流寓方技仙釋壽民卷八貞女烈婦節婦賢孝卷九奏疏卷十序引記卷十一記頌卷十二考辨議論墓志雜文

書後卷十三碑記卷十四詩餘賦著述卷十五舊文舊序卷十六古鼎考碑版考其自序云邑志之作雖屬一隅然搜討援據即史臣紀載之義也關中舊志康對山王漢陂則效三輔黃圖韓五泉則倣欽水志皆以簡練爲尙特古者地志惟載山川形勝風俗物產間舉古蹟以證地之所在非誇多鬪靡資文苑之用也至亭臺橋市佛寺道觀名官人物詩文悉載者惟南宋諸志爲然唐人志乘遠不可稽今所見宋時本如朱長文吳郡圖經周淙臨安志梁克家三山志范成大吳郡志羅願新安志四明志施宿會稽志周應合建康志潛說友臨安志多至十卷二十卷或至八九十卷知前賢撰述未可以多寡分優劣也蓋縣志欲其詳至府志遞減之省志一統志則更刪削之若邑志太簡譬諸登高而望四至雖一指點可盡而峯樹之迴伏林木

續陝西通志稿

卷一百八十七

藝文五

一三三

之遮蔽川涂之支派終有未甚明悉者是志不敢務繁亦不敢太簡凡可法戒者具列志中將與士民奉爲善禁焉若徒曰昭往蹟以供見聞奚以志爲哉

韓城縣續志五卷清嘉慶間知縣平遙冀蘭泰修

按續志自乾隆四十八年後至嘉慶二十二年止以傳志爲本名目體例悉仍其舊傳志有援據偶誤者有疏漏宜補者有張康二志所有而傳志未錄者別爲刊誤補遺一卷附續志末惟以王文端公強忠烈公豐荷殊恩天章屢貢恭錄宸翰紀一卷冠於簡首以爲斯土光榮

澄城縣志三十卷清道光間知縣閻中金玉麟修

按澄城縣志二卷始於明嘉靖時石道立韓苑洛馬谿田皆爲之敘清順治六年金陵姚欽明知縣事以邑紳前東光令路世

美澹泊寡營造廬躬請俾任補修姚令稱其商榷時政如披陸公之疏座念民瘼實同長沙之哭則澄之人民其凋殘於前代之瘡痍者可想也乾隆四十八年知縣戴治重修二冊中丞畢沅因屬洪亮吉爲排纂之縣第一城第二鄉第三山第四川第五廟第六冢墓第七學校第八道里風俗地丁銀糧第九職官第十封建第十一科貢第十二閭人第十三列女第十四經籍第十五金石第十六藝文第十七序錄第十八一以輕重緩急爲先後道光三十年玉麟續修考之路志參以戴志闕者補之冗者汰之謬者正之後者續之并二志爲一志綜其標目各以類從圖一地與二建置三山川四田賦五學校六祠祀七官師八封建九選舉十封贈十一人物十二列女十三冢墓十四經籍十五金石十六藝文十七而以序錄終焉凡爲卷三十綜其

續陝西通志稿

卷一百八十七

藝文五

二四一

成者韓刺史亞雄任孝廉葆貞分其任者王孝廉詢虞容明經恬楊明經邦靖搜求遺文校正別字者東光七世孫布衣近溪也

蒲城縣新志十三卷清光緒間知縣鄆城李體仁修

按蒲城縣志舊有三一清順治六年知縣綿竹張舜舉修一康熙四十六年知縣京山汪元任輯一則乾隆四十五年知縣萊陽張心鏡增補光緒二十三年署知縣秦州張世英毅然以續志爲己任籌款六百金書未成而交卸去知縣安福楊效寬延邑紳崔主事實仁取張稿而刪潤之將付梓格於衆議而止體仁下車邑人原烈即以纂成續志請乃延邑人王孝廉學禮刪繁訂誤援古證今其體例概由體仁手定卷首聖製紀皇恩紀卷一志地理卷二志建置卷三志經政卷四志學校卷五志祠祀